



Broj: 11/06-34-20702-61.1/20
Sarajevo, 20.7.2020. godina

SKUPŠTINA KANTONA SARAJEVO
n/r Dr. Mirza Čelik, predsjedavajući

-ovdje-

ZASTUPNIČKO PITANJE

Zastupnica Jasmina Bišćević Tokić je na 26. Radnoj sjednici Skupštine Kantona Sarajevo, održanoj 16.6.2020. godine, u okviru tačke Dnevnog reda „Poslanička/zastupnička pitanja, inicijative i odgovori“ u skladu sa članovima 211. i 214. Poslovnika Skupštine Kantona Sarajevo uputila Vladi Kantona Sarajevo i Ministarstvu za obrazovanje, nauku i mlade slijedeća pitanja:

1. *Da li imate informacije da li su sva djeca na području Kantona Sarajevo imala mogućnosti pristupa online nastavi za vrijeme pandemije COVID 19?*
2. *Kako ste postupili ukoliko nisu?*
3. *Da li su urađeni planovi kako bi sva djeca imala pristup online nastavi?*

ODGOVOR

Analizom izvještaja dostavljenih od strane škola i kontinuiranom komunikacijom sa svim osnovnim i srednjim školama na području Kantona Sarajevo utvrđeno je da je postojao određeni broj učenika koji nije bio u mogućnosti da pristupi online nastavi jer nisu imali odgovarajuću računarsku opremu ili pristup internet konekciji, a koji dolaze iz socijalno ugroženih porodica ili porodica romske populacije.

Na samom početku realizacije online nastave oko 1.34% učenika u osnovnoj školi nije imalo računarsku opremu ili pristup internet konekciji i oko 0.2% učenika u srednjoj školi nije imalo računarsku opremu ili pristup internet konekciji. Uz veliku trud svih sudionika u odgojno – obrazovnom procesu, Vijeća roditelja Kantona Sarajevo, društveno-odgovornih organizacija i firmi te generalno društva, broj učenika koji nisu imali mogućnost da pristupe online nastavi se znatno smanjio. Također, pored učenika, utvrđeno je da je postojao i određeni broj nastavnika koji nije imao odgovarajuću računarsku opremu za pristup online nastavi.



Ministarstvo zajedno sa Vijećem roditelja Kantona Sarajevo, menadžmentom škola, međunarodnim i domaćim organizacijam, pravnim subjektima i pojedincima je radilo kontinuirano na tome da se obezbijedi potrebna računarska oprema i internet konekcija za naše učenike koji ne posjeduju istu kako bi nesmetano pratili nastavu.

U međuvremenu, dok se navedeni problem u potpunosti ne riješi i dok se ne steknu uslovi da svi učenici imaju jednak pristup online nastavi, škole su printale nastavne materijale učenicima te su iste preuzimali roditelji tako da su svi učenici u Kantonu Sarajevo bili u nastavnom procesu.

Ministarstvo za obrazovanje, nauku i mlade Kantona Sarajevo, trenutno, priprema planove i smjernice za unapređenje realizacije online nastave koja će se realizovati u skladu sa potrebama.

S poštovanjem,



Dostaviti:

- Naslovu
- a/a



web: <http://mon.ks.gov.ba>
e-mail: mon@mon.ks.gov.ba
Tel: - 387 (0) 33 562-128,
Fax: - 387 (0) 33 562-218
Sarajevo, Reisa Džemaludina Čauševića 1

